

امور تحریریه ایچون فؤاد بکه  
وامور اداره ایچون آرتین افندی به  
مراجعت اولنور.

— ❦ —

مسئله مزه موافق آثار قبول اولنور.  
درج اولمیان اوراق اعاده اولماز.

# معارف وصال

اداره خانه سی باب عالی جاده سندده  
۵۲ نومرولی « شرکت مرتبیه »  
مطبعه سیدر.

— ❦ —

استانبول ایچون سنه لکی مطبعه دن  
آلنق شرطیله ۴۰ طشره لره پوسته  
اجرتیله برابر ۶۰ غروشدر.

نسخه سی ۱ غروش

پنچشنبه کونلری نشر اولنور ادبی، فنی و صناعی غنیه در ❦

نسخه سی ۱ غروش

## تراجم احوال

### ابن خلدون

اصل اسمی «عبد الرحمان» اولوب لقبی «ولی الدین» در. اجدادی نامی «عبد الرحمان ابن محمد ابن محمد ابن حسن ابن محمد ابن جابر محمد ابن ابراهیم ابن محمد ابن عبد الرحمان ابن خلدون در.» (۷۳۲) سنه هجریه سنه تونسده تولد ایتمش وابتدا قرآن کریمی حفظنه آلهرق قرائت سبعة مشهوره بی او کړندکدن صوکره والد ماجدی شیخ محمد التونسی الاشبلی الوابی و سائر علماء بنامدن علوم بحریه بی تعلیم و تکمیل و فنون شقی بی آز بر مدت ایچنده تحصیل ایله مش ایدی. (۷۵۳) ده اولا علامت نویسلک وظیفه سیله فاس امیری ابو عنانک نزدنده دیوان امیره کتابتنه نائل اولمش ایسه ده بوجهته امیری تقریبنی اصحاب اغراض چکمه دکرنندن بر طاقم اتهامات عزوی ایله بلا جنجه مومی الیهی حبسه القا ایتدیردیله !! (۷۵۹) ده شاهک وفاتی وقوعی ایله وزیری «حسن بن عمر»، مومی الیهک سیلانی تحلیه ایتدیروب ینه مأموریت قدیمه سنه ارجاع ایدلدی. اووقت عنان حکومت ید امیر ابی ساله تودیع ایدلمکله بودخی (ابن خلدون) ی عهده سننده سر کتابت مأموریت مهمه سی اولدینی حالده امور ضبطیه و دعاوی محکمه لرینه مأمور و تعیین ایله دی.

چوق کچمکسزین امیر مشارالیهک ده ارتحالنه منی عمر ابن عبد الله، شاه اولدی. بر آراق شاه مشارالیهک حاصل اولان برودتندن دولای (۷۶۴) ده فاسدن مفارقتله اندلسه کیتدی وهر برنده بر مأموریتده بولنهرق خیلی ولایت کشت و کذار ایتدی. آرتق جمله سنندن فراغتله درت سنه قدر گوشه انزوایی اختیار ایدهرک بش

آی ظرفنده مشهور انام اولان تاریخنمی جمع و تسوید و (۷۸۰) ده ینه تونسده عودت ایله مش ایدی. اوزمان، تونس امیری ابی عباسه تاریخ مزبور ی عرض و تقدیم ایتدکده فوق العاده مظهر تقدیر و التفات اولوب اکالی دخی بالخاصه اراده بیورلمغله تاریخ مذکورک معلوم اولان مقدمه سنندن باشقه [اخبار بربر] و وقوعات سائره بی حاوی بو. لسان بقیه سنی تصنیف و اکال ایله دی. بعده ادای فریضه حج شریف ایچون استحصال رخصت ایدهرک سنه مذکور شعبانده عازم راه بیت الله اولدی. بعد الحج شهر ذی القعدة ده مصره عزیمت ایتمش ایدی که او تاریخده مصرده ملوک چرا کسه دن سلطان (برقوق) اجرای احکام ایدیور ایدی.

بر مدت ده مصرده تعلیم و تدریس ایله اشتغال ایدوب (۷۸۶) ده قضای مالکیه حاکم نصب اولنهرق ایکی سنه صوکره کبرا و علمادن بر طاقم اصحاب حسدک تیر طعن و اغراضنه هدف اولدقده نزد سلطانده اقامه دعوی ایله علیهنده واقع اولان اسنادات ایله افک و افترا لر نه درجده سوء نیتدن ایلری کلدیکی وانحق آشکار اولان علوظینت و فضل و کالنه کین و حسددن منبعت اولدینی تظاھر ایتمکله جمله سنه دعوا ده شمشیر ایهات و اسکات ایله غلبه چالمش ایسه ده نه قدر اولسه معنا دلکیر اولوب بقاسی ده اویمیه جغندن قضادن استعفا ایدهرک ینه برایام وحدت کزین راحت اولدی.

(۷۸۹) ده ینه جانب حجازه عزیمتله بعد الحج (تیمورلنک) ک واقعه معلومه سننده (۸۰۳) تاریخنده) شام لبرفته کیمش و نصلسه تیمورلنکه اسیر اولهرق حضورنده بعض خصوص صاندن ایدیلان سؤاللره ویرمش اولدینی حکمت آمیز جوابلر، تیمورلنک طرفندن التفات و اعزازینه باعث اولمش ایدی. مستریح البال بروقت کجیردکدن صوکره

مصرده قالان تاریخنمی ک اخذی ضمننده عزیمتیه استحصال مساعده ایدهرک بو وسیله ایله (تیمورلنک) ک لاندن یاقه بی صیروب مصرده بر مدرسده تدریس ایله امرار ایام و روزگار ایله مکده ایکن (۸۰۸) سنه سی رمضان شریفنک یکر می آلتنجی چهارشنبه کونی تبدیل جامه زندگانی ایتدی.

جسد شریفی، (باب النصر) خارجنبده — مقابر الصوفیه — نام محله دفن ایدلمشدر. شمعی الده مشهور و متعارف اولان تاریخنندن باشقه قصیده برده اوزرینه شرح منیفی و نیجه نیجه قصائد و اشعاری و مؤلفات سائره سی بولندیغی نوشته اوراق توارینخدر.

اشهر آثارندن: (عنوان العبر و دیوان المبتدا والخبر فی ایام العرب والحجم والبربر) نام تاریخ لطیفی شمعیکی (مقدمه ابن خلدون) دیدیکمز تاریخک مقدمه سیدر.

### حیوانات اهلیه

حیواناتک اقالیم مختلفه نک هوا و طبیعتله صوک درجه قدر امتزاج ایتدیرلدیکی بویله بر زمانده، اولدقجه احوالی مجهول بر حیوانک نظر خلقده تبیین و ارائه سی ایچون آنک خصائل و اوصافنک هرجهته اعلان و تشهرینه غیرت ایدلدیکی و بیوک کوچک بر طاقم طبیعیون بو مخلوق جدید الکشفک بدایع خواصنه دأر جلدلره رساله لر تألیفنه مسارعت و اقدام کوستردکاری حالده اعصار مدیده دن بری عموماً مشاغل و حرکات مزده بزله هر بری برر معین بی عدیل محلیه قائم اولدقن باشقه اقوات یومیه مزک استحصالنده کذلک هر بری برر صورتله ایفای حسن خدمت ایتمکدن بر آن تجویز تراخی و قصور ایتیه بن حیوانات اهلیه مزک تدقیق جنس و معیشتلری امرنده — یالکز بر ایکسی مستثنا طو تلق